



Standeskanzlei Graubünden
Chanzlia chantunala dal Grischun
Cancelleria dello Stato dei Grigioni

Chanzlia chantunala dal Grischun
Reichsgasse 35
CH-7001 Cuira

Telefon 081 257 22 23
Fax 081 257 21 41
info@gr.ch
www.staka.gr.ch

Chanzlia chantunala dal Grischun, Reichsgasse 35, 7001 Cuira

Posta A

A las adressatas ed als adressats
tenor la glista

Cuira, ils 30 da mars 2020

Consultaziun tar l'adattaziun dal sistem electoral per il Cussegl grond

Stimadas dunnas e stimads signurs

La Regenza ha incumbensà la Chanzlia chantunala da dar en consultaziun in rapport concernent l'adattaziun dal sistem electoral per il Cussegl grond.

Il sistem electoral sto vegnir adattà, perquai ch'il Tribunal federal svizzer ha giuditgà en la sentenza dals 29 da fanadur 2019 che la procedura da maiorz, che vala actualmain, na saja en tscherts puncts betg conforma a la Constituziun. Plinavant ha il Tribunal federal incumbensà las autoritads dal chantun Grischun da stgaffir per las proximas elecziuns, che vegnan probablmain ad avair lieu ils 15 da matg 2022, in urden electoral conform a la Constituziun.

Il temp per realisar quest project fitg pretensius è fitg curt e pretenda in agir adattà correspundentmain. La finamira da la procedura da consultaziun qua avant maun è quella da survegnir cleras infurmaziuns, co ch'i stat concretmain cun l'acceptanza politica dals differents models da systems electorals che stattan en discussiun. Cun in questiunari vegnan dumandadas sistematicain respostas davart tscherts models da systems electorals e davart auters puncts ch'èn relevants per concepir in sistem electoral. Sin basa da las enconuschientschas da questa consultaziun duai alura la Regenza rediger e deliberar la missiva al Cussegl grond che cuntegna las adattaziuns concretas da las basas legalas (Constituziun, leschas). En il Cussegl grond è previsa la debatta davart il project per la sessiun da december 2020. L'eventuala votaziun dal pievel necessaria è planisada per ils 13 da zercladur 2021.

Ultra dal rapport incl. las agiuntas stat a disposiziun a las participantas ed als participants da la consultaziun l'expertisa da l'expert consultà prof. dr. iur. Andreas Glaser, titular da la professura da l'Universitad da Turitg per dretg statal, administrativ ed europeic cun resguard spezial da dumondas da la democrazia. En questa expertisa vegnan preschentadas las opziuns per in sistem electoral conform al dretg federal per il chantun Grischun.

Ils documents da consultaziun pudais Vus consultar sin la pagina d'internet dal chantun (www.gr.ch > Rumantsch > Publicaziuns > Consultaziuns > Consultaziuns currentas) u empustar sin palpiri tar la Chanzlia chantunala (info@gr.ch; tel. 081 257 22 23).

Gugent As envidain nus d'inoltrar Vossa posiziun fin il pli tard ils **30 da zercladur 2020**, da preferenza per e-mail ad info@gr.ch u uschiglio per posta a l'adressa ch'è inditgada en il chau da la brev.

Nus As engraziain gia ordavant zunt fitg per l'interess che Vus demussais envers quest project e per Vossa posiziun.

Salids amicabels
Chanzlia chantunala dal Grischun
Il chancelier



lic. iur. Daniel Spadin

Adressatas ed adressats

- partidas politicas incl. partidas giuvnas
- vischnancas politicas
- regiuns
- Dretgira administrativa dal chantun Grischun
- departaments da l'administraziun chantunala
- Controlla da finanzas